



Synfocity = 980

mail us at : mzsynfo@gmail.com; mizoramsynod@gmail.com - Phone - 2314648

April 10, 2025

□ Upper Assam Field thar hawn a ni

April 3, 2025 (Ningani) khan Upper Assam Mission Field thar chu Rev. R.C. Lalnghakliana, Synod Moderator-in a hawng.

He Field thar hi Arunachal rama Field pathum hmalakna thenkhat leh Assam Field hmalakna thenkhatte sawk khawma din a ni a. Field thar indantu pali te hi Church Court nei sa vek tawh an nih avangin Field thar pawh hi Church Court neia awm nghal tura rel a ni. Field Headquarters atan Dibrugarh-a kan hmun neihsa chu ruahman a ni bawk.

Ramthar rawngbawlna hma thlir, 2015 kuma ruahman chuan 'Kum 2025-ah Upper Assam Mission Field hawn ni se' tiin rawtna a siam a, chumi thu bawhzuina kal zelah 2024 khan zir chian a ni a. Zir chianna chu 2024 Synod inkhawmpui chuan tha tiin a pawm ta a ni.

Field thar hawnnaah hian mi 140 vel inkhawmin, ruai kil ho nghal a ni.

□ Synod Hospital, Durtlang

April 3, 2025 (Ningani) khan Synod Hospital, Durtlanga hman tur 3 Tesla MRI khawl Siemens Company siam chu lei thar a ni. MRI khawl thar hi cheng nuai sangkhat zali chuang man a ni a, taksa pum en theihna khawl changkang hi Mizoramah chuan a hmasa ber tur niin Northeast India-ah hian 3 Tesla MRI hi 12 vel chauh a la awm niin company lam chuan an sawi bawk. MRI khawl installation leh room siam hi company lamin an tinghal dawn a, thla khat hnuah chuan hman theih beisei a ni.

□ KṬP

♦ April 1-3, 2025 chhung khan Siliguri-ah Herbertpur Christian Hospital Society-in Seminar a buatsaihah committee member-te, Pu Lalrambuatsaiha leh Pu H. Zosangliana te an kal.

♦ April 2-4, 2025 chhung khan Sesih Branch KṬP Diamond Jubilee hmanpuiin committee member-te, Tv. P.C. Lalthanmawia leh Pu K. Vanlalremruata te an kal.

□ Synod Lay Pensioner Fellowship (SLPF) ten Annual General Body meeting an hmang

April 8, 2025 (Thawhlelni) khan Synod Lay Pensioner Fellowship (SLPF) ten Annual General Body meeting, vawi 8-na Pi Zaii Hall, Synod Conference Centre-ah an hmang.

Meeting hi hun hnihah then a ni a, hun khatna hi chawhma dar 10:30-ah tan niin Dr. Vanlalruata, Vice Chairman-in a kaihruai a, Pi Lalengzami, Upper Republic-in hunserh a hmang a, Rev. V.L. Luaia Hranleh, Senior Executive Secretary-in thu a sawi a ni. Upa Malsawmdawngliana, Chaltlang-in member thar mi 56 te lawmna leh fuihna hun a hmang a, Upa Khalhliana Ralte, Muanna Vengin tawngtaisak hun a hmang a. Chawhma hunah hian 2025-2027 chhunga SLPF hruaitu tur thlanna neih a ni a, an member Chatuan ram pan mi panga te sunna hun an hmang bawk.

Chawhnu hi Upa F. Lalremthanga, Chairman-in a kaihruai a, report pahnih - Secretary leh Treasurer report ngaihthlak a ni a, hruaitu thar pawmna leh hlanna Upa R. Lalmalsawma, Mission vengin a hmang a ni.

Tun dinhmunah SLPF-ah hian member 426 an awm mek a, ram chhung leh ram pawnah te an awm hlawm a ni.

Hruaitu tharte chu:

Chairman	: Dr. Vanlalruata
Vice Chairman	: Upa F. Lalsangliana
Secretary	: Upa P.C. Sangluaia
Asst. Secretary	: Upa P.C. Vanlalrova
Treasurer	: Upa Lalvena Hnamte
Fin. Secretary	: Pu C. Kapthanga

❑ Tumkau Ni

April 13 (Pathianni) hi Tumkau Ni a ni a, Tumkau Ni hi Isua ropui taka Jerusalem a luh hriatrengna atana hman thin a ni. Lal Isua chawimawiin naupangten tumkau kengin kawng an zawh thin a, hmanlaiin tumkau hi thatna leh hnehna entirnan an hmang thin a ni.

Kum 1998 Synod chuan Tumkau ni hi Nilai leh Beihruai Thupui Bu-a tihlan thin turin a rel a. Chu thu chu bawhzuin SEC chuan Sunday School tibuai lova inkhawm tum khat buatsaih thin turin a ti a. Kum 2007 atang erawh chuan inkhawm tum hnih buatsaih thin a ni ta a ni. Kum 2022 Synod Inkhawmpui chuan Tumkau Ni chawhma inkhawm hi 2024 atangin Sunday School awm lovin Tumkau Ni programme-a hman ni rawh se, tiin a rel a ni.

Tumkau Ni programme-ah chawhma, chawhnu leh zan inkhawm atan thupui hetiang hian siam a ni:

Chawhma Inkhawm:

Thupui : 'Lalpan a duh a ni'

Chhiar tur : Matthaia 21:1-5

Chawhnu Inkhawm:

Thupui : 'Hosanna'

Chhiar tur : Sam 118:25-26; Marka 11:7-10

Zan Inkhawm:

Thupui : 'Krista chawimawina kawng'

Chhiar tur : Johana 17:1-5; Philippi 2:5-11

❑ Social Front

♦ April 5, 2025 (Inrinni) khan Kawnpui Hmar Veng Kohhranah Ramngaw, nungcha leh tuihna humhalh Seminar leh Awareness Campaign neiin Dr. Lalbiakmawia Ngente a kal.

♦ April 6, 2025 (Pathianni) khan Maubuang Kohhranah Pianpun Awareness Campaign neiin Upa H. Lalhmingmawia, campaigner a kal.

♦ April 6, 2025 (Pathianni) khan Chanmari West Hmarveng Kohhranah Ruihhlo laka invenna leh HIV/AIDS Awareness Campaign neiin Nl. C. Lalchhuanzuali, campaigner a kal.

❑ Worship

♦ April 5, 2025 (Inrinni) khan Lily Veng Kohhranah Zai hruai training neihpuiin Pu Benjamin Sailo, Music Instructor a kal.

♦ April 9-10, 2025 chhung hian Khuangthing leh Khawbung Kohhranah te Zai hruai training neihpuiin Pu H. Lalrinmawia, Senior Music Instructor a kal.

❑ Trust

♦ April 8-9, 2025 chhung khan W. Phaileng, Damparengpui leh Rengdilah te Pastor Quarters fencing siam tur leh building zauh tur en felin Pu Lalramenga Royte, J.E. a kal.

♦ April 9-10, 2025 chhung hian Khuangleng South Pastor Quarters hmunhma en felin Pu Lalhriatrenga, J.E leh Tv. V. Lalhlimpaia, J.E te an kal.

❑ MSSU

April 12, 2025 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Phullen Vengthar Bial : Upa B. Lalhmunliana leh Upa S. Kapzathanga

Ramhlun Kohhran : Upa Lalthanchhunga, Upa Zionparlawma leh Upa Danny Lalremmawia

Maubawk Kohhran : Upa K. Vanlalnghaka, Upa C. Lalbiaksanga leh T. Upa B. Malsawmtluanga

Phunchawng Kohhran : Upa K. Zoremsanga leh Upa R. Vanlalhruaia

❑ Synod Mission Board

♦ Karbi Anglong Mission Field

April 5, 2025 (Inrinni) khan Rev. R. Lalhmingsanga, Secretary, Synod Mission Board chuan Chinthong Development Block huam chhunga Karbi Anglong Mission rawngbawlina hmun zauhna tur a hawng.

April 6, 2025 (Pathianni) khan belhtu thar pathum an awm.

♦ Nepal Mission Field

April 6, 2025 (Pathianni) khan belhtu thar pahnih an awm.

♦ **Jharkhand Mission Field**

April 6, 2025 (Pathianni) khan belhtu thar pakua an awm a, kohhran pâwl dang aţangin mi pakhat kan kohhranah arawn inpe bawk.

♦ **Calcutta Mission Field**

April 6, 2025 (Pathianni) khan belhtu thar panga an awm.

♦ **Delhi Mission Field**

April 6, 2025 (Pathianni) khan belhtu thar 11 an awm.

♦ **Arunachal & Assam Mission Field (West)**

April 6, 2025 (Pathianni) khan belhtu thar pathum an awm.

♦ **Odisha Mission Field**

April 6, 2025 (Pathianni) khan belhtu thar pahnih an awm.

♦ **Patna Mission Field**

April 6, 2025 (Pathianni) khan belhtu thar panga an awm.

♦ **Home Mission North**

April 6, 2025 (Pathianni) khan belhtu thar pakhat a awm.

♦ **Missionary lak tharte tan Orientation**

Synod Mission Board chuan Missionary lâk thar te tan April 7-29, 2025 chhûng hian ATC Inter-Cultural Hall, Durtlangah Residential Missionary Pre-Service Orientation Training a buatsaih a, training-naah hian Missionary hna thawk thar tûrten an rawngbâwlina hmun an pan hmaa an hriat tûr chi hrang hrang leh rawngbawlna tura thil tûl leh tângkai tak tak te mi thiam hrang hrangten an zirtîr a ni.

Missionary lak thar te hi May 4, 2025 (Pathianni) chawhnuah Venghlui Kohhranah Tirthchhuah inkhawm neih a ni ang. Missionary lak thar te hi mi 50 (Mipa 16 leh Hmeichhia 34) an ni.

□ **FM Zoawi - Aizawl & Lunglei : Hruaina Eng Radio Programme**

April 11, 2025 (Zirtawpni) @ 7:30 p.m. :

Solo : Isak Malsawmtluanga - Simin I hnen ka rawn pan e, **Zaipawl :** Chawnpui Bial Zaipawl - Lamlian Thianglim, **Thusawi :** Lalrinzuali leh a thiante - Taksa hriselna i ngai pawimawh ang u, **Solo :** Lalmuanpuii Ralte - Ka Hlimna i ni, **Zaipawl :** Dawrpui Bial Zaipawl - Hmangaih Pathian

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Khanthumam	Damlo	2	₹ 20,000/-
2.	Darlak	Khawsak harsa	2	₹ 20,000/-
3.	Nalzawl	Damlo	2	₹ 20,000/-
4.	Tuiţhaveng, Kolasib	Vanduaina tawk	1	₹ 15,000/-
5.	Thenzawl Chhimveng	Damlo	1	₹ 10,000/-
6.	Kepran	Khawsak harsa	1	₹ 10,000/-
7.	Bawngva	Damlo	1	₹ 10,000/-
8.	Saipuilui	Khawsak harsa	1	₹ 10,000/-
9.	Chhiahtlang Chanmari	Damlo	1	₹ 10,000/-
10.	Kelsih	Khawsak harsa	1	₹ 10,000/-
11.	West Phaileng			
	Electric Veng	Khawsak harsa	1	₹ 10,000/-
			Belh khawm	₹ 1,45,000/-

□ **Hruaina Eng TV Programme**

10.3.2025 (Ningani) 08:30 pm : Thupui zir bing

11.3.2025 (Zirtawpni) 05:00 pm : Kristian Naupang Pual

12.3.2025 (Inrinni) 05:30 pm : Puitling Sunday School Zirlai

13.3.2025 (Pathianni) 08:00 am : Weekly round up

14.3.2025 (Thawhtanni) 08:30 pm : Hruaina Eng luang chhuak - Upa F. Lalsangliana

15.4.2025 (Thawhlelni) 06:00 pm : Nilai zan thupui

08:30 pm : Kohhran Chanchin - Mission Veng Kohhran

❑ **Moderator leh Executive Secretary-te Programme:**

Rev. R.C. Lalngkhakliana : Moderator

April 12-13, 2025 Pune Mizo Kohhran tlawh
 April 15, 2025 MTC Graduation Day
 April 16, 2025 Thingsulthliah Hospital Veng Kohhran Silver Jubilee
 April 17, 2025 Armed Veng Kohhran

Rev. V.L. Luaia Hranleh : Senior Executive Secretary

April 9-12, 2025 PCI Working Committee, Shillong
 April 14, 2025 Central Presbytery hawn chungchang zirchiangtu committee
 April 16, 2025 OA lak tharte pual Orientation training
 April 17, 2025 Bethlehem Kohhran (Zan)
 April 20, 2025 Tlangnuam Vengthar Kohhran leh Muallungthu Kohhran

Rev. Dr. K. Lallawmzuala : Executive Secretary

April 14, 2025 Women Hostel-a lut tur interview
 April 16, 2025 Central Kohhran Hmeichhe Hruaitu Retreat
 April 17, 2025 Ramthar North Kohhran (Zan)
 April 20, 2025 English Congregation Church

Rev. Dr. Rosiamliana Tochhawng : Executive Secretary

April 9-14, 2025 Daporizo, Arunachal North
 April 15, 2025 MTC Graduation Day
 April 17, 2025 Ramthar BEC
 Sihphir Venglai Kohhran (Zan)
 April 20, 2025 District Jail (Chhun)
 New Capital Complex Kohhran (Zan)

April 17, 2025 (Ningani)-a Synod Trust Committee-ah Moderator leh Executive Secretary-te an thu ang.

SYNOD OFFICE HRIATTIRNA

April 11, 2025 (Zirtawpni) nilengin Synod Office-a thawktuten Intuaitharna an neih dawn avangin hemi ni hian Synod Office dawr theih a ni dawn lo tih kan inhriattir e.

Sd/-

Rev. V.L. Luaia Hranleh
 Senior Executive Secretary
 Mizoram Synod

HRIATTIRNA

Kum 2025 Puitling Sunday School Zirlai bu chu lei theihin a awm leh ta e. Chhut hmasak a zawh vek tawh avang leh mamawhna a san avangin bu 2,000 chhut belh a ni. Synod Bookroom Headquarters leh Branch hrang hrangah lei theih a ni dawn a. April 7-10, 2025 chhung hian Aizawl khawpui pawn branch-ah pawh thawn fel hman beisei a ni.

Editor
 SL&PB

